

Te Reo Matatini Kaupae 1

Te Pūrongo Aromatawai ā-Waho 2025



Te Marautanga o Aotearoa

Te Paerewa Paetae

Te Rā Aromatawai

Te Paerewa Paetae

Te Rā Aromatawai

Te Reo Matatini 32413

32413

19-30 o Mei, 2025

32415

30 o Mei, 2025

32413 Te Reo Matatini - Te Reo Torohū TAPā 1

Te Wāhanga 1: He Tirohanga Whānui

I aromatawaingia i te māramatanga a te ākonga ki te reo, me tōna whakapuaki i ōna whakaaro i te reo Māori. Kia mau te ākonga ki te ia o te kōrero, ā, kia tautohua ngā pārongo matua.

Te Wāhanga 2: He kōrero mō te Paerewa

32413: Ka mārama, ka tautohu i ngā whakaaro matua o tētahi reo ā-waha, o tētahi reo ā-tā hoki.

Te Aromatawai Ā-Waho:

E rua ngā wāhanga o tēnei TAPā.

Te Wāhanga Tuatahi: Te Tūmahi Whakarongo

I mātaki, i whakarongo te ākonga ki ētahi whakaaturanga. E toru ngā wā e āhei ana te ākonga ki te mātakitaki i te kiriata. Ko tā te ākonga he whakautu i ngā pātai, he tīpako i te whakautu e tika ana, he tautohu i ngā kupu, i ngā kōrero me ngā whakaaro matua e hāngai ana ki te horopaki.

Te Wāhanga Tuarua: Te Tūmahi Pānui

I pānui te ākonga i ētahi tuhinga kōrero. Ko tā te ākonga he whakautu i ngā pātai, he tīpako i te whakautu e tika ana, he whakarite urupare rānei e āta whakapuaki ai ia i ōna ake whakaaro ki te kaupapa.

Te Pūrongo Paerewa Paetae:

Ko ngā Ākonga i **whakawhiwhia** ki te paerewa nei:

- i whakautua ngā pātai ki te reo Māori anahe.
- i whakautua ngā wāhanga katoa o te pātai.

- i kite i tā te ākonga mārama ki tāna whakautu.
- i copy/paste i te whakautu mai i ngā pūrongo o te paerewa nei, me tika tā te ākonga whakautu, whakamahi i ngā kōrero i kape.

Ko ngā Ākonga **KĀORE i whakawhiwhia** ki te paerewa nei:

- i whakautua ngā pātai ki te reo Pākehā, i whakamahi rānei i ngā kupu Pākehā ki te/ngā whakautu.
- kāore i paku whakautu i ngā pātai.
- i whakautu i tētehi wāhanga o te pātai, kua ko ngā wāhanga katoa o te pātai.

32415 Te Reo Matatini - Te Reo Whakaputa Kete Manarua 1

Te Wāhanga 1: He Tirohanga Whānui

Mō ngā ākonga e rumakina ana ki te reo Māori te Paerewa me te Aromatawai ā-waho nei a Kete Manarua. Ka uaua rawa ki ngā ākonga kāore i te ako mā te reo Māori. Mātua whakarite ngā ākonga kia waia ai rātou ki ngā pūkenga Reo Matatini, tuhituhi me te kōrero.

Te Wāhanga 2: He kōrero mō te Paerewa

32415: Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Te Aromatawai Ā-Waho:

Ko ngā whakautu, he whiriwhiri kaupapa hei mahi tuhituhi, hei mahi kōrero hoki. Katoa ngā tūmahi aromatawai ā-waho e ārahi ana i te ākonga ki te eke i ngā Paearu Mahi o te Paerewa nei.

Kete Manarua – He kohikohinga taunakitanga ā te ākonga, ā, ka ahu mai ngā taunakitanga i ngā kaupapa huhua nā te ākonga, nā te kaiako rānei i whakatau hei mahi tuhituhi, hei mahi kōrero hoki mā te ākonga.

Te Pūrongo Paerewa Paetae:

Ko ngā Ākonga i **whakawhiwhia** ki te paerewa nei:

- i whakaatu te ākonga i tana mārama ki te kaupapa i tuhia, i kōrerohia rānei.

- i whakaatu i te whanaketanga o te whakaaro i roto i ngā tuhinga/kōrero.
- i ū katoa ki te reo Māori mō te roanga o te kōrero, te katoa o te tuhinga rānei.
- i tika te whakaraupapatanga o te tuhinga - te whakamahi kōwae me ngā kārawarawa e tika ana mō te tuhinga.
- i whai raupapa te kōrero hei whakawhānui i ngā whakaaro o te ākonga.
- i whakamahi whakataukī, kīwaha hei whakaniko i te kōrero, i te tuhinga rānei, ā, i hāngai rawa ki te kaupapa.
- i tika te reo ā tinana me te āhua o te tuku - i tū ki te kōrero, i whai hoki i te reo ā ringa (tūone) hei whakaniko i te kōrero.
- i kaha te reo, kahore i tapepe - ka piki, ka heke hoki te kahaoro.
- i whakamahi i te reo peha hei whakaniko i ngā kōrero, me te reo more hei whakahāngai i ngā whakaaro ki te kaupapa.

Ko ngā Ākonga **KĀORE i whakawhiwhia** ki te paerewa nei:

- he nui ngā hapa tātaki kupu.
- kahore i whai whakaaro, whakawhānui whakaaro rānei ki te kaupapa.
- i kōrero, i tuhituhi rānei i te reo Pākehā.
- kāore i eke te kōrero ki te 1-2 meneti.
- e pānui ana te ākonga i tana kōrero.
- kāore i tika te reo ā tinana, i te noho me te tuku i te kōrero.